



Broj: 16-12-16-4529-10/21
I. Sarajevo, 17.08. 2021. godine

Na osnovu člana 8. stav (2) tačka h) Zakona o Državnoj agenciji za istrage i zaštitu („Službeni glasnik BiH“, br. 27/04, 63/04, 35/05, 49/09 i 40/12), člana 69. stav (2) tačka e) i člana 70. st. (1), (2), (4) i (6) Zakona o javnim nabavkama („Službeni glasnik BiH“, broj 39/14), na preporuku Komisije za nabavke za potrebe Državne agencije za istrage i zaštitu u 2021. godini broj 16-12-16-4529/21 od 12.08.2021. godine, u postupku javne nabavke higijensko-potrošnog materijala za potrebe Državne agencije za istrage i zaštitu, direktor Državne agencije za istrage i zaštitu, d o n o s i

ODLUKU

o poništenju postupka javne nabavke higijensko-potrošnog materijala za potrebe
Državne agencije za istrage i zaštitu za LOT 3 i LOT 4

Član 1.

Poništava se postupak javne nabavke higijensko-potrošnog materijala za potrebe Državne agencije za istrage i zaštitu (u daljem tekstu: Agencija) za LOT 3 - Nabavka higijensko-potrošnog materijala za potrebe Regionalne kancelarije Tuzla i LOT 4 - Nabavka higijensko-potrošnog materijala za potrebe Regionalne kancelarije Mostar, za koje je obavještenje o javnoj nabavci objavljeno na Portalu javnih nabavki broj 1161-7-1-164-3-58/21 od 30.06.2021. godine, iz razloga što su cijene prihvatljivih ponuda za LOT 3 i LOT 4, znatno veće od osiguranih sredstava za predmetnu nabavku.

Član 2.

Ova odluka objavit će se na web stranici Agencije, istovremeno s upućivanjem ponuđaču koji je učestvovao u postupku javne nabavke.

Član 3.

Ova odluka stupa na snagu danom donošenja.

O b r a z l o ž e n j e

Odlukom direktora Agencije broj 16-12-16-4529-1/21 od 08.06.2021. godine pokrenut je postupak javne nabavke higijensko-potrošnog materijala za potrebe Agencije, procijenjene vrijednosti 48.000,00 KM bez uračunatog PDV-a, za koji je obavještenje o javnoj nabavci objavljeno na Portalu javnih nabavki broj 1161-7-1-164-3-58/21 od 30.06.2021. godine. Novčana sredstva za realizaciju navedene nabavke obezbijedena su u okviru budžetskih sredstava za 2021. godinu, na osnovu Odluke o privremenom finansiranju institucija Bosne i Hercegovine i međunarodnih obaveza Bosne i Hercegovine za period april-juni 2021. godine („Službeni glasnik BiH“, broj 22/21) i Dokumenta okvirnog budžeta 2022. - 2024. godina. Za navedeni postupak javne nabavke predviđena je e-aukcija u skladu sa odredbama Pravilnika o uslovima i načinu korištenja e-aukcije („Službeni glasnik BiH“, broj 66/16) (u daljem tekstu: Pravilnik). Predmet javne nabavke podjeljen je na lotove:

- LOT 1 - Nabavka higijensko-potrošnog materijala za potrebe sjedišta Agencije, Istočno Sarajevo, procijenjene vrijednosti, u iznosu od 30.000,00 KM bez uračunatog PDV-a;
- LOT 2 - Nabavka higijensko-potrošnog materijala za potrebe Regionalne kancelarije Banja Luka, procijenjene vrijednosti, u iznosu od 6.000,00 KM bez uračunatog PDV-a;
- LOT 3 - Nabavka higijensko-potrošnog materijala za potrebe Regionalne kancelarije Tuzla, procijenjene vrijednosti u iznosu od 6.000,00 KM bez uračunatog PDV-a;
- LOT 4 - Nabavka higijensko-potrošnog materijala za potrebe Regionalne kancelarije Mostar, procijenjene vrijednosti u iznosu od 6.000,00 KM bez uračunatog PDV-a.

Obzirom da je tačkom 6. Konkurentskog zahtjeva navedeno da je rok za dostavljanje ponuda 12.07.2021. godine do 13,00 sati, da se ponude dostavljaju u zatvorenoj koverti, Komisija je dana 12.07.2021. godine u 14,00 sati izvršila javno otvaranje ponuda prema datumu i vremenu prijema, numerišući kovertu. Komisija je konstatovala da su u ostavljenom roku pristigle tri ponude na Pisarnicu Agencije i to:

R/BR	Naziv ponuđača	LOT	Ponuđena cijena bez uračunatog PDV-a
1.	„INTER-COM” d.o.o. Zenica	LOT 3	9.899,10 KM
2.	„AERO-EXCLUSIVE” d.o.o. Sarajevo	LOT 1	44.988,65 KM
		LOT 3	11.431,38 KM
3.	„DEFTER” d.o.o. Sarajevo	LOT 1	29.995,92 KM
		LOT 2	5.996,93 KM
		LOT 3	9.117,67 KM
		LOT 4	8.125,80 KM

Komisija je nakon otvaranja ponuda u smislu člana 63. st. (5) i (6) Zakona o javnim nabavkama („Službeni glasnik BiH“, broj 39/14) (u daljem tekstu: Zakon), sačinila Zapisnik o otvaranju ponuda i isti u roku od tri dana, od dana otvaranja, dostavila ponuđačima. Postupak je dalje nastavljen u smislu pregledanja dokumentacije priložene uz ponude, a u cilju ocjenjivanja ponuđača, te njihove kvalifikovanosti shodno uslovima navedenim u Konkurentskom zahtjevu.

Komisija je utvrdila da ponuđači „INTER-COM” d.o.o. Zenica (LOT 3), „AERO-EXCLUSIVE” d.o.o. Sarajevo (LOT 1 i LOT 3) i „DEFTER” d.o.o. Sarajevo (LOT 1, LOT 2, LOT 3 i LOT 4), ispunjavanju kvalifikacione uslove u pogledu lične sposobnosti, sposobnosti obavljanja profesionalne djelatnosti, ekonomske i finansijske sposobnosti, kao i tehničke i profesionalne sposobnosti. Komisija je utvrdila da navedeni ponuđači ispunjavaju i formalno-pravne uslove postavljene u Konkurentskom zahtjevu.

Komisija je utvrdila da su za LOT 3 zaprimljene tri prihvatljive ponude, a kako je za navedeni postupak predviđeno provođenje e-aukcije u skladu sa Pravilnikom, Komisija je zakazala e-aukciju za dan 19.07.2021. godine u 13,00 sati u trajanju od 10 minuta.

Prema Izvještaju o toku i završetku e-aukcije od 19.07.2021. godine, Komisija je sačinila konačnu rang listu ponuđača koji su učestvovali u postupku e-aukcije za LOT 3, kako slijedi:

R/B	Naziv ponuđača	Konačna cijena bez uračunatog PDV-a	Rang
1.	„INTER-COM” d.o.o. Zenica	9.108,00 KM	1
2.	„DEFTER” d.o.o. Sarajevo	9.117,67 KM	2
3.	„AERO-EXCLUSIVE” d.o.o. Sarajevo	11.431,38 KM	3

Komisija je nakon provedene e-aukcije utvrdila da je za LOT 3 bilo snižavanje cijena ponuda kao kriterij za dodjelu ugovora u rasponu od 0,1% do 10% najniže početne cijene svih ponuda u skladu sa članom 8. Pravilnika, te da najpovoljnija ponuda ponuđača „INTER-COM” d.o.o. Zenica za LOT 3 u iznosu od 9.108,00 KM bez uračunatog PDV-a premašuje procijenjenu vrijednost javne nabavke za 3.108,00 KM. Takođe, Komisija je utvrdila da najpovoljnija ponuda ponuđača „DEFTER” d.o.o. Sarajevo za LOT 4 u iznosu od 8.125,80 KM bez uračunatog PDV-a premašuje procijenjenu vrijednost javne nabavke za 2.125,80 KM.

Imajući u vidu naprijed navedeno, Komisija je od Sektora za materijalno-finansijske poslove aktom broj 16-12-16-4529/21 od 21.07.2021. godine tražila mišljenje po pitanju prekoračenja procijenjene vrijednosti javne nabavke za LOT 3 i LOT 4. Sektor za materijalno-finansijske poslove je aktom od 27.07.2021. godine dostavio mišljenje, u kojem je navedeno da u budžetu Agencije nije moguće obezbijediti dodatna novčana sredstava za navedene lotove.

Cijeneći dostavljeno mišljenje Sektora za materijalno-finansijske poslove, Komisija je utvrdila da ponuđena cijena ponuđača „INTER-COM” d.o.o. Zenica za LOT 3 u iznosu od 9.108,00 KM bez uračunatog PDV-a i ponuđena cijena ponuđača „DEFTER” d.o.o. Sarajevo za LOT 4 u iznosu od 8.125,80 KM bez uračunatog PDV-a, u značajnoj mjeri prevazilaze raspoloživi budžetski okvir Agencije. Komisija je odlučila da se poništi postupak za navedene lotove, u skladu sa članom 69. stav (2) tačka e) Zakona, iz razloga jer su cijene prihvatljivih ponuda za LOT 3 i LOT 4, znatno veće od osiguranih sredstava za predmetnu nabavku.

Imajući u vidu naprijed navedeno, prihvaćena je preporuka iz Izvještaja o radu Komisije i odlučeno da se u skladu sa članom 69. stav (2) tačka e) Zakona poništi postupak javne nabavke za LOT 3 i LOT 4, a kako je navedeno u članu 1. ove odluke.

Pouka o pravnom lijeku: Protiv ove Odluke može se izjaviti žalba Uredu za razmatranje žalbi Bosne i Hercegovine, u roku od pet dana od dana dostavljanja iste. Žalba se podnosi putem Državne agencije za istrage i zaštitu.

Na izjavljenu žalbu ponuđač je obavezan platiti naknadu u skladu sa članom 108. Zakona o javnim nabavkama.

DOSTAVLJENO:

- Ponuđačima 3x;
- Sektoru za mat.-fin. poslove;
- a/a.

